



VISOKA ŠKOLA "CEPS - CENTAR ZA POSLOVNE STUDIJE", UL. JOSIPA BANA JELAČIĆA B.B., 71250 KISELJAK, BOSNA I HERCEGOVINA, ZASTUPAN PO DIREKTORU, DOC. DR. MIRZO SELIMIĆ

I

„SARAJEVSKA PIVARA D.D.“, FRANJEVAČKA 15, 71000 SARAJEVO, BOSNA I HERCEGOVINA, ZASTUPAN PO DIREKTORU, MANDŽUKA AZUR

ZAKLJUČILI SU

SPORAZUM O SARADNJI

Član 1.

- 1) Ovaj Sporazum zaključuje se radi stručne, naučne i svake druge saradnje između Visoke škole "CEPS – Centar za poslovne studije" iz Kiseljaka (Bosna i Hercegovina) i „Sarajevska pivara d.d.“ Sarajevo (Bosna i Hercegovina).
- 2) Zajednički cilj potpisnika ovog Sporazuma je podsticanje saradnje, stručnog i naučno – istraživačkog rada, kao i unapređenje kvaliteta visokoškolskog obrazovanja.

Član 2.

Potpisnici ovog Sporazuma prihvataju saradnju u naučnim i stručnim područjima od obostranog interesa.

Član 3.

Saradnja potpisnika ovog Sporazuma uključuje:

1. zajedničke stručne i naučne projekte,
2. razmjenu informacija i izdavanje publikacija,
3. organizovanje seminara, radionica i konferencija, studijskih posjeta,
4. obavljanje stručne prakse za studente,
5. ostale aktivnosti od zajedničkog interesa.

Član 4.

- 1) Potpisnici Sporazuma zajednički će raditi na pripremi i sprovođenju različitih oblika projekata:
 1. razvojni projekti finansirani iz evropskih fondova,
 2. projekti koji se provode u saradnji s privredom.
- 2) Prava i obaveze koje proizlaze iz poslova navedenih u stavu 1. ovog člana regulisat će se posebnim sporazumom.



Član 5.

- 1) Potpisnici ovog Sporazuma će omogućiti zainteresovanim saradnicima objavljivanje zajedničkih publikacija i to u obliku:
 1. naučnih i stručnih radova,
 2. udžbenika i knjiga,
 3. zbornika konferencija i časopisa,
 4. ostalih publikacija.

Član 6.

Potpisnici ovog Sporazuma zajednički će organizovati seminare, radionice i konferencije u srodnim područjima s ciljem transfera znanja i inovacija prema privredi.

Član 7.

- 1) Ovaj sporazum se sklapa na neodređeno vrijeme i svaki potpisnik ga može otkazati bez navođenja razloga uz otkazni rok od 30 dana.
- 2) Pitanja međusobnog odnosa ugovornih strana koja se odnose na predmet ovoga Sporazuma, a nisu regulisana istim uredit će se posebnim izmjenama ili dopunama ovoga Sporazuma u pisanom obliku.

Član 8.


Obje strane ovog sporazuma saglasne su da će eventualne sporove iz ovoga Sporazuma rješavati sporazumno, a ukoliko to ne bi bilo moguće ugovaraju nadležnost stvarno nadležnog suda.

Član 9.

Ovaj Sporazum sastavljen je u dva (2) istovjetna primjerka, od kojih svaka strana zadržava po jedan (1) primjerak.


Broj:
Kiseljak, 21.11.2023. godine

ZA „CEPS“
Direktor:



Doc. dr. Mirzo Selimić

ZA „SP“
Direktor:



Azur Mandžuka